

e-Buletin JSKM

EDISI
APRIL
2026

INFORMASI • INSPIRASI • IMPIAN



Menyemai Harapan,

MENYANTUNI PEJUANG KECIL

Menghubungkan ilmu, empati dan tanggungjawab sosial dalam menyantuni kanak-kanak pesakit kanser.

“ Saya percaya bahawa ilmu akan lebih bermakna apabila ia mampu menyentuh kehidupan dan membawa harapan kepada mereka yang memerlukan. ”

- Siti Asmah Mohamed -

MAJLIS
APRESIASI JSKM
2026

Laporan

RAFAH YANG
DIRATAH TIDAK
PERNAH PUNAH

Puisi

MENELUSURI
PASIR DAN
KABUS BROMO

Perkongsian

eISSN 2637-0077



9 772637 007004



CAHAYA RAMADAN

Azhar Ahmad

Datangmu bukan sekadar perubahan bulan,
tetapi peralihan jiwa,
dari alpa kepada sadar,
dari rutin kepada ibadah.

Wahai Ramadan,
engkau hadir bersama gema azan
yang bergetar di menara Masjid Negara,
mengajak hati kembali tunduk
pada Yang Maha Esa.

Siangmu panjang menahan lapar,
namun di balik dahaga
tersemai sabar yang jernih;
perut mungkin kosong,
tetapi jiwa terisi makna.

Di meja sederhana saat berbuka,
kurma dan air menjadi saksi
bahawa nikmat itu bukan pada banyaknya,
tetapi pada syukur yang diam-diam
menitis di sudut hati.

Malam-malam diterangi tarawih,
ayat-ayat suci beralun lembut,
mencuci debu dosa setahun lalu;
dalam sujud yang lama,
air mata menjadi doa paling tulus.

Ramadan,
engkau madrasah tanpa dinding,
mengajar fakir erti kecukupan,
mengajar kaya erti pemberian,
mengajar semua erti kembali.

Dan ketika Syawal menjemput,
kami berharap
bukan sekadar kemenangan yang dirai,
tetapi jiwa yang telah dibentuk
lebih tunduk, lebih sabar, lebih insaf.





UNIVERSITI
TEKNOLOGI
MARA

Cawangan Pulau Pinang
Kampus Permatang Pauh

Unit Penerbitan e-Buletin
Jabatan Sains Komputer dan Matematik
UiTM Cawangan Pulau Pinang
13500 Permatang Pauh
Pulau Pinang

eISSN 2637-0077



9 772637 007004